

ملی نصاب بر محرومی

جلد : ۱

مایس - حیران ۱۳۳۱

صافی : ۲

بر قومك تدقیقه، تعقیب اولونه جق اصول

ضیا كوك الب

دارالفنون « علم اجتماع » معلی

بر قوم « Le peuple » ی عالمی صورتده تدقیق ایچون ، هرشیدن اول کوز اوکندده طوتوله سی اقتضا ایدن شرط ، او قومك استقبالده ناصل اولمه سی لازم کلدیکی دکل ، ماضیده و حال حاضرده ناصل اولدیغی آرامقدر . بر قومده ، یا اجتماعی حیاتك اوغرا دیغی تکامل وقفه لری ازاله ، یا خود اجتماعی تکامل معین بر مفکوره یه دوغرو وقوعی تسهیل وتسریع مقصدیه اتخاذ اولونه جق تدبیر لر « علم » ماهیتده اولمایوب « صنعت » ماهیتده در . علم ، یا پدیغی تدقیق لری عملی بر نتیجه اندیشه سیله اجرا ایتز . چونکه عملی بر غایه تعقیب ایدن اجتماعی بر صنعت ، اصلاحات احتیاج لری نك مستعجلیتی دولایسیله علی العجله حکملر ویرمك مجبوریتده در . علم ، حقیقی عملی احتیاج لره فدا ایتیه چکندن ، بو کبی استعجال کار عامل لردن توقی ایدره ك حروصو بر صورتده چالشمقله مکلفدر .

واقعا علمی تدقیق لردن چیقه جق نتیجه لر ك اجتماعی صنعت لر طرفدن در حال عملی غایه لره تطبیق اولونه جغی ، بو تدقیق لری یا پانلر بیلیر لر . حق بو متحریر لری سعیلرنده مقدم یاپان معنوی مشوقده ، بو کون عملی اندیشه لردن عاری اولان تدقیق لری نك ، یارین همه حال کندی قومی یا خود انسانیت ایچون نافع تطبیق لره تنوج ایده جکنی بیلمه لیردر . روخنده بویه مفکوروی بر دوغو موجود اولمادجقه ، عالم ، حیاتی بو قدر صعوبتی برایشه

آثار اسلاميه و مليه تدقيقه انجمنی

تعلیماتنامه سی

ماده : ۱ — « ۱۰ مارت ۱۳۳۱ » تاریخلی نظامنامه نك ايكنجی ماده سی موجبجه انجمن تدقیق تشکیلات و وظائف اعتباریله اشبو تعلیماتنامه احکامنه تابعدر .

ماده : ۲ — انجمن تدقیق وظائف آتیه ایله اشتغال ایدر : ۱ — انجمن تدقیقاتنده علم دائره سندن آریلازق صنعت وادیسنه صابماق ایچون « ناصل اولمالی » یی دکل « اولان » ی آرایه جقدر . « ۲ » — انجمن فردی قیمتی حائز حادثه لر حقدنه دکل دها زیاده عمومی قیمتی حائز حادثه لر یعنی مؤسسه لر حقدنه کی تدقیقاتی نشرایده جقدر . « ۳ » — انجمن هر مؤسسه یی محیط اجتماعی ایچنده تحرییه چالیشه جقدر . « ۴ » — انجمن تورک لره عائد مؤسساتی دیگر ملت لرك مؤسساتیه مقایسه ایدر ك تورك ملت ك هانکی انموزج اجتماعییه منسوب و تكامل ك هانکی صفحه سنده بولوندیغی آرایه جقدر . « ۵ » — تورک لره عائد هر مؤسسه حقدنه یاییلازق تدقیقات و ثائق کافییه استناد ایدر جقدر . « ۶ » — تدقیقات ساحه سی [دین ، اخلاق ، حقوق ، اقتصاد ، لسان ، بدیعیات ، قیات ، بنیه اجتماعیه] کی خصوصاندر . بو مؤسسه لر ك تورك حرشده واسلام مدنیتنده موقعی تعیین ایتك و یکدیگریله روابط و مناسباتی بولمق انجمنك ساحه مساعیسنه داخلدر .

ماده : ۳ — انجمنك مقصد تأسسنه خادم مساعی كرك انجمن هیئت طرقدن ، كرك انجمنك كندی اعضاسی میانندن بالتفریق تشکیل ایدر جکی قومیسونلر معرفتیه ، كرك انجمن اعضاسندن هر برینه تودیع وظائف صورتیه ، كرك انجمنه داخل اولمادقلری حالده انجمنجه تنسب ایدیه لك ذوات واسطه سیله ایفا اولنور . انجمن علی الايجاب ممالك عثمانیه و اجنبیه ده کی کتبخانه لرده اجرای تدقیقات ایتك مقصدیه مأمورلر کوندره بیله جکی کی ، اتنولوژی و فولکلور تبعاتی ایچون تورك مملکتلرینه علمی هیئت لر یولایه بیلیر .

ماده : ۴ — انجمن مقصد تأسسنه خادم تدقیقات موضوعلرینی مسابقه یه وضع ایتك صورتیه ده مساعیسنی ایفا ایتك صلاحیتنه مالکدر .

ماده : ۵ — انجمن لا اقل هفته ده بر اجتماع ایدر . نصاب مذاکره انجمنه داخل اعضای اصلیه نك نصفدن بر زیاده سی حضوریه حاصل اولور .

ماده : ۶ — مقررات اعضای حاضر نك اکثریتیه اتخاذ اولور . آنجق انجمن اعضای اصلیه ، فخریه و مخبره سنك انتخابه ، انجمنه تقدیم ایدیلن آثارك نشر ایدیلوب ایدیله سنه ، انجمن اعصابی طرفدن اشتراسی تکلیف اولونان آثارك صاتون آلمانسه ، رئیس ، کاتب و هیئت اداره انتخابه ، داخلی تعایمانه نك یکیدن ترتیب ویا بعض موادینك تعدیلنه ، مسابقه وضع اولنان موضوعلره دأر وارد اوله جق آثارك تدقیق ایچون تشکیل اولونا جق قومیسونلرك انتخابانه ، خارجه کوندریله جك علمی هیئتلك انتخابه ، سنه سابقه بودجه سنك حساب قطعیه ، سنه آتیله بودجه سنك تنظیمه ، تبرعانك قبولیه مقصد متبرع دأره سنده اداره سنه ، تدقیقنامه لر و مقاله لر اصحابنه ویریله جك اجرت مقدارینك تعیینه عأند خصوصاتده اعضای حاضر نك اکثریت ثلثانی شرطدر . شوقدرکه یکدیگری متعاقب ایکی جلسه ده اکثریت ثلثان حاصل اولمازسه اکثریت عادیله حل مسئله اولور .

ماده : ۷ — قرار ربطی اقتضایتمه یں خصوصلرده نصاب مذاکره قیدینه باقیمقسزین رئیس طرفندن جلسه کشاد اولونه یلیر .

ماده : ۸ — انجمن « ملی تبعلر مجموعه سی » نامی آلتنده اولارق بر رساله نشر ایده جکدر . مجموعه انجمن اعضاسنك آثاریه خارجدن کونده ریه جك مهم و علمی تبعلری ، ترجمه لری ، قیمتدار مثلری احتوا ایده جکدر . مجموعه ده انتشار ایده جك یازیلرك بهر صحیفه سی ایچون معتدل بر اجرت ویریله جکدر .

ماده : ۹ — انجمن هر سنه اکثریت آرا ایله بر رئیس ، بر رئیس ثانی وهر اوج سنه ایچون بر کاتب عمومی انتخاب ایدر .

ماده : ۱۰ — کاتب عمومی « ملی تبعلر مجموعه سی » نك مدیرتی وظیفه سنیده حأردر . اشبو وظیفه سندن دولایی کندیسنه بیک بشیوز غروش اجرت ویریلیر .

ماده : ۱۱ — رئیس ثانی وکاتب عمومی ایله انجمن اعضاسندن منتخب ایکی ذات هیئت اداره یی تشکیل ایدر . هیئت اداره خصوصات اداره و مالیه ده كرك حکومته كرك افراد قارشی انجمنك مثلیدر .

ماده : ۱۲ — هیئت اداره مقرراتی اکثریت له اتخاذ ایدر . تساوی آرا وقوعه ریئسک بولوندینی طرفک رأی ترجیح اولنور . انجق تدقیق دائره سنک امورینی رؤیت ونظارت هیئت اداره یه عائددر .

ماده : ۱۳ — کاتب عمومی انجمنده مذاکره ایدله جک مسائلک اوراقنی ترتیب وتنظیم ، خصوصات ابتدائیه سنی احضار ایدر ؛ ضبط نامه لری تنظیم ایدر ؛ انجمنک مساعی سنویه سنه ونتایج حاصله یه دائر بر راپور یا پهرق هر سنه مایس ابتداسنده انجمنه تقدیم ایدر . نشریاته نظارت ایتدیکی کبی انجمن مخابراتی اداره ایدر . یاره قبض و صرفی ، هیئت اداره نامه انجمن دائره سنک تدویر اموری کاتب عمومی یه عائددر . بو خصوصاتدن دوغروندن دوغروه مسئلدر .

ماده : ۱۴ — انجمن ومجموعه یه عائد بودجه هیئت اداره طرفندن ترتیب اولونه رق انجمنه عرض اولنور . انجمنجه ایجاب ایدن تعدیلات وعلاوات یاپیلدقندن صوکره تصدیق اولنور ؛ انجمن بودجه سندن برنسخه سی معارف نظارته تقدیم ایدیلیر .

ماده : ۱۵ — کاتب عمومی هر سنه کچن سنه بودجه سنک حساب قطعی جدولنی بالترتیب هیئت اداره یه تصدیق ایتدیردکن صوکره انجمنه عرضه مجبوردر .

ماده : ۱۶ — انجمنه اعضا اولایلمک ایچون آلتنجی ماده موجبنجه انتخاب ایدلمش اولوق شرطدر . انتخاب رأی خفی اصولیه اجرا اولنور . نتیجه انتخاب حقنده معارف نظارته عرض معلومات ایدیلیر . شوقدرکه بدایت تشککنده انجمن اعضاسی معارف نظارتی طرفندن تعیین اولونمشدر .

ماده : ۱۷ — انجمن تدقیق اعضاسنک عددی انجمنک قراریله تزیید اولوناییلیر .

ماده : ۱۸ — انجمن اعضاسی اوچ صنفدر : ۱ — اعضای اصلیه (علی العاده اعضا)

۲ — اعضای فخریه (سربست اعضا) ؛ ۳ — اعضای مخایره .

ماده : ۱۹ — اعضای اصلیه استانبوله ویاخود جلسهلرده حاضر بولونه بیله جک صورتده استانبوله یقین محللرده مقیم اسلام تبعه عثمانیه دن آثار ویاخود مساعی علمیه سیله طائمش ذواتدن انتخاب اولنور .

ماده : ۲۰ — اعضای اصلیه دن لااقل اوچی انجمنه اعضای اصلیه قبولنی تکلیف ایده بیلیر .

ماده : ۲۱ — اعضا کندی تشبثلریله انجمنه تودیع ایتدکلری تدقیق نامه لردن ماعدا

